

興義府志卷三十七目錄

古蹟志 古墓

興義府古墓 十八先生墓

興義縣古墓 張光祿墓 景雙鼎墓

安南縣古墓 梁海墓 薛三桂墓

明宗室墓 東山古墓

尋治本墓 曾異撰墓

興義府志

卷三十七 目錄

興義府志卷三十七

興義府知府張鏞纂修

古蹟志

古墓

宋李彤有聖賢冢墓記。志古墓。今仿其例。志古蹟。詳志古墓。庶古忠賢之荒冢不湮。訪古者。可以謁弔。可以修葺。志古墓。

興義府古墓

明十八先生墓。在府城外西北之馬場。

通志云。明十八先生墓。在府城南。

按在城西北。通志云。城南誤。

永明王由榔。自

廣西走貴州。孫可望處之安隆所。無人臣禮。從臣吳貞毓、張鐫、周允吉、楊忠、徐極、蔣乾昌、李元開、李欣、朱議景。按三藩本末。鄭允元。

興義府志

卷三十七

古墓

一

貴陽文通書局代印

趙賡禹、蔡縝、易士佳、胡士瑞、朱東旦、任斗墟及內侍張福祿、全為國等。憤甚。欲與李定國等共圖可望。謀泄。可望遣人拷訊。十八人同聲不屈。被害。時人哀之。收遺骸葬此。

舊志云。十八人被害。時人收葬於城外之西山麓。題其墓曰。十八先生成仁處。

明史云。諸臣就刑。神色不變。各賦詩大罵而死。其家人合瘞於安龍北關之馬場。居二載。李定國奉前勅。護王入雲南。乃贈貞毓太子太師。吏部尚書。中極殿大學士。賜祀文忠。蔭子錦衣千戶。餘贈恤有差。建廟馬場。勒碑大書十八先生成仁處。以旌其忠。

按墓在今府城外西北之馬場。舊志云。城外西山麓。明史云。北關外馬場。是也。通志云。在府城南。實誤。考王紹爵墓碑云。十八先生

盡節之日。四月八日。其地在天榜山下馬場。三日後。始瘞山下。今明時所題十八先生成仁處舊碑。久不存。康熙中。守土曾爲立碑。略載姓名巔末。又鐫諸人絕命詩于後。乾隆中。守土又爲立碑。鐫明史吳貞毓傳。跋語論及林鍾。乾隆中。學使洪亮吉。知府曹廷奎。修墓。沈燞撰記立碑。道光中。知府朱履。有詩二首。刻石列墓右。南皮童子張之洞。有弔十八先生文。亦刻石。列墓左。詩文詳流寓傳。吳貞毓傳後。明宗室墓。一在北門外。五洞橋北。一在南門內東嶽廟。

按五洞橋之北有古墓。墓石刻有龍鳳紋。土人稱爲王墳。墓碣剝蝕。字漶莫辨。又東嶽廟有古墓。墓石亦有龍鳳紋。考三藩本末云。孫可望盡殺明宗室之在黔者。王處安隆。勢日窮促。乃與大學士吳貞毓謀。封李定國爲晉王。趣使來迎。據三藩本末所言。王在安

隆。孫可望既有殺明宗室之事。則此二墓。爲永明王之宗室無疑。永明王之宗室。多封王者。永明王自安隆入滇入緬。尙有宗室吉王。松滋王。從行同殉。見三藩本末。此二墓之宗室。當亦封王者。故土人呼爲王墳也。

張光祿墓。在南門內馬韜坊之側。

按南門內有古墓。墓碣題贈光祿大夫張公墓。光祿大夫。爲一品封贈。考自明至今。郡人張氏。無文階一品封贈者。姑闕疑。志以備考。

東山古墓。在府城外沙泥山。蒼頡廟之側。

按府城外沙泥山巔。昔建蒼頡廟。剪荆闢土。露古墓。無碣。不知古何人之墓。乃修葺之。今在廟側。

興義縣古墓

明定遠侯景雙鼎墓。在縣北之黃坪營。

按墓在黃坪營。景雙鼎。洪武中。克平今郡地。官都督同知。封定遠侯。詳武功傳。

安南縣古墓

明安南指揮梁海墓。在縣城東門外。

按墓在東門外。梁海。詳名宦傳。建安南衛城者。

明安南指揮尋治本墓。在縣之晴頂山下。

按墓在晴頂山下。尋治本。詳名宦傳。殉難。

明永甯知州薛三桂墓。在縣東門。

安南志云。薛三桂墓。在縣東門。

興義府志

卷三十七

古墓

三

貴陽交通書局代印

通志云。薛三桂墓。在安南縣東門。三桂有武功。

按明時。永甯知州駐安南。故墓在安南。薛三桂。詳名宦傳。

明永甯知州曾異撰墓。在縣城東門外獨秀山下。

通志云。曾異撰墓。在安南獨秀山下。明末流寇陷城。異撰殉難。土人葬此。

安南志云。曾異撰墓。在縣城東獨秀山下之丁家園。同時死難之

教授黃元正。指揮尋鼎。及奉使乘傳過境之兵部職方司陳公。附

葬墓側。

勝朝殉節錄云。謚烈愍。永甯知州曾異撰。榮昌人。孫可望寇永甯。

異撰集衆拒守。城陷自焚死。見明史及明鑑輯覽。

滇黔紀遊云。安南縣城東里許。有州曾異傳撰墓。公榮昌人。前朝

安南衛。與永甯州同城。丁亥。賊薄壘。公帥衆禦之。兵潰被難。葬此。墓旁有峯插天。上有元帝廟。

按曾異撰墓。舊在東門外。距門僅數武。後人以其為樵牧蹂躪。遷葬于獨秀山下。

附文

明奉政大夫曾公神道碑

康熙生員 王民新 安南縣人

公諱異。撰字辰。四川重慶府榮昌縣人。先朝舊制。永甯州與安南衛同城。公領鄉薦。來守是邦。值中原板蕩。赤眉黃巾之屬。所在雲擾。丁亥春。賊自蜀入滇。道經安南。是時金城湯池。人有固志。咸思滅此朝食。公曰。是吾志也。於是出健卒。戒嚴前驅。邀賊於盤江之西。軍潰。賊薄城下。不踰時而城屠。公亦遇害。城亡與亡。公信無忝。

守土矣。越三日。賊南竄。公所屬沙營司土司陸朝士如城。得公於灰燼中。具棺瘞之。去東門數武。其地斃戮鏑者。悉焚之。而收其骨。瘞於公墓之旁。想公之靈。其率茲厲鬼以滅賊。固其所也。滄桑更迭。屈指且三十年矣。以其附郭最近。牛羊踐踏。樵牧憑陵。枯朽之餘。纍纍然泣風雨。而餐霜露也。諸君子過之。每為慘怛。爰卜地於丁家園。易棺改葬。仍附以義塚。去郭里許。墓工完固。諒不復虞暴露。因揭於石。以表公之忠義。且令孝子賢孫。知公之德澤在民。而世奉邱壟。當不與荒烟蔓草。同歸滅沒矣。時在官死難者。學博黃公元正。掌印指揮使尋公鼎。奉使乘傳經過者。則兵部職方司陳公。骸骨盡在義塚中。

附詩

弔明州牧曾異撰墓

雍正安南知縣何天衢貴池人

聞道當年失陷時。憑城喋血不堪思。孤臣獨抱揮戈志。忠憤何曾有赤眉。

盤江躍馬正倉皇。破竹東來孰保疆。斗九山城公死守。英風毅節似睢陽。

烏滿城頭日月昏。張弓何救虎狼吞。但令臣節丹心在。千古猶知大義存。

魏冢荒涼訪尚存。可憐志士共成仁。而今故老吞聲哭。纍纍荒邱有幾燐。

又按府之古墓。府城外之九峯山。有賴子墓。乃明叛苗賴子之墓。又西門外梓潼閣。有吳三桂部將聶託忠墓。碣題行營駐鎮貴州。

安龍所。聶公諱託忠墓。周昭武元年。今以其均叛逆。故並削不載。又通志載府之古墓。尚有明傅天錫墓。云在普安州。正德間苗叛。天錫督兵戰死。奏請立墓碣。今考州改為廳之後。墓在普安廳境。不隸府。故刪不載。至明宗室墓。張光祿墓。景雙鼎墓。梁海墓。尋治本墓。皆諸書所未載。今特悉為補志。